

DEO OPTIMO MAXIMO VNI ET TRINO
VIRGINIQUE DEIPARÆ.
ET SANCTO LVCÆ ORTHODOXORVM MEDICORVM PATRONO.

QVÆSTIO MEDICA.
QVOD LIBETARIIS DISPUTATIONIBVS MANE DISCVTIENDA
IN SCHOLIS MEDICORVM. DIE IOVIS XIII. DECEMBRIS:
M. CLAVDIO CHRISTIANO, Doctore Medico, Præsides

Est ne in homine sano à solo sanguine nutritio?

885

HOMO in interitum æquo pede præceptis deuolueretur, nisi assiduum & indefessum, quod patitur triplicis substantiæ effluuium siccioris cibo, humidioris potione, æræ ignæque respiratu & arteriarum pulsibus resisteretur, ut repletionem quadam quod abiit vacuumque est in corpore, multis præuitalerationibus tandem reponatur. Hunc defluxum efficit calor natiuus, cuius permansione in humido pingui & æreo, nulla arte reparabili, vita, ut eiusdem extinctione mors intelligitur. Humidum pabulum est atque caloris fomentum. Hoc tanquam instrumento, ad actiones naturales edendas, anima suis facultatibus probe instructa vitur: quod continuò desinit, familiari substantiâ dulci & amabili, proprietate quadam illi respondente, indefinenter rellaurat: multo ac vegeto calori, multum concedit alimentum, imbecilliori parcius: attrahit, retinet, coquit assimilât: illa laudabilium vite actionum author sanitatem efficit: cuius tanta est latitudo, ut ad ægros etiam vsque extendi possit. Verum qui omnes illas actiones, vitales deinde & animales, inculpatas habebit, cum sanitas perfecta beat.

Herenni substantiæ nostræ effluxu, desumitur alimentum necessitas, quod in elementis aut rebus inanimatis querere absurdum. Præparatur in ore, recipitur in ventriculo, ubi dum coquitur, conficitur chylus: hinc ad hepatis transfertur, quod facultate quâ pollet sanguificæ, ex chilo, qui à iecore sano aliter, diuersimodè ab ægro perficitur, vnâ cum aliis humoribus excrementitiis, sanguinem meliorem naturæ thesaurum innato calore & parenchymate proprio conficit. Humor est liquidus, seruens, ruber, dulcis, spiritu & calore vndique perfusus, cum quibus simul mouetur: si naturæ leges non excedat, semper dulcissimus: ex illo solo, familiare, simile, proprium, vniuersæ ac singulæ corporis partes, tanquam è penu, suum trahunt alimentum, ut quod in vacuati locum per nutritionem succedit, illi tandem perbellè possit respondere.

T omnes corporis facultates ab animâ, sic ab eisdem inter se distinctis sedibus, functiones procedunt ac dimanant: harum quardam principem locum obtinuerunt, quardam illis subseruiunt. Nutritio, auctio & procreatio, vniuersa naturæ opera complectuntur. Illa quæ necessitate reliquis longè latère superat, attractionem, retentionem, coctionem & expulsionem, ad sui subsidium sortita est: quarum aliæ organis publico munere fungentibus insident, aliæ ipsis tantum partibus student atque famulantur. Assimilatione nutrientis ad id quod alitur perfecta fit nutritio, sicque substantiæ defluens iacturam, alimenti repositione complet & instaurat, toto vitæ decursu numquam otiosa: illius famularum ope, pars vnâqueque corporis perfectè sani, sanguinis portionem, ab omni excremento tandem repurgatam attrahit, quam per aliquod temporis spatium attractam retinet, mox immutat, coquit eandemque assimilât: cuius mutiles reliquias se le amandant & expellit. Attractio rectis fibris, expulsio transuersis, retentio obliquis, coctio nullis, sed innato partibus calore perficitur.

TRIPlicem coctionem consequitur excrementum, illius beneficio ab alimento separatum. Chylus non alteratrice virtute modo, sed etiam ipsa formâ substantiali, à ventriculo elaboratus, per inferius orificium, facultatis expellentis robore, in tenuia intestina deponitur: hinc per venarum melancolicarum oscula & foramina cò desinentia, tenuiorem & succulentam portionem, iecur ex fugit & quasi manu prolestat, quod crassum & impurum remanet, in crassa delabitur intestina, ibique efficiuntur fæces, quæ per aluum, vi intestinorum peristaltica, foras detruduntur, attractus iam chylus, & rubri coloris aliquo donatus rudimento, nouam coctionem subit, in qua iusto hepatis calore, partes mediocres in sanguinem degenerant, calidiores & tenuiores veluti aduruntur, & in bilem flavam abeunt: humidiores, frigidiore & crassiores imperfectè transmutantur relinquuntur, atque ita à sanguine propriè dicto omni ex parte dulci, excrementa ex secunda se cernuntur coctione. A tertiâ triplex excrementum, tenue, crassum, fuliginosum.

Vex sanguine puro factum generatumque fuit in vtero hominis corpus, ita ex eodem nutritum est. Gaudant bene nati, quandiu perfectè & integrâ sanitate fruuntur, illo dulci & viuifico nectare, partium corporis fluentem substantiam restaurabunt, non bile amarulentâ, aut succi melancolici aciditate, aut alio quouis humore excrementitio ad alendum inepto, sed solo sanguine, qui inter cœcæntibus variis mutationibus numero tamen distinctis, omnes ac singulas corporis humani particulas nutrit. Solus suo comitatus vehiculo, per vasa in totum corpus distribuitur & ad partes omnes alendas accedit. Solus dulcis concreat, & perfectè feminis fit materia, in quam transit ac mutatur, quod bili ac succo melancolico est denegatum. Solus alimentum, excrementum esse nequit, ille retineri, hoc excerni debet.

Est ergo in homine sano à solo sanguine nutritio.

F.H.P.
BIBLIOTHECA

Proponebat Lutetiæ NICOLAUS CRESPON Parisinus. A. R. S. H. M. DC. XL.

DOMINI DOCTORES DISPUTATVRI.

M. IACOBVS RENAULT.
M. NICOLAUS LANGLOIS.
M. CLAVDIUS CHRISTIANVS. Præfcs.

M. GILBERTVS PYLLON.
M. VICTOR ALV.
M. GEORGIUS IOYDOVIN.

M. CLAVDIUS LIENARD.
M. RENATVS MOREAV. P. R.
M. DIONYSIVS ALLAIN.